



Siverth K. Heilmann
Atassut

UKA 2021/106
4. november 2021

Siku Blocki malillugu nunatsinni sanaartornermut atugassatut pilersitsisoqarsinnaanera, taamaaliornikkut nunatsinni illuliornerup aningaasatigut imminut nammassinnaasumik ingerlannissaanut ilapittuutinngorlugu periarfissiuunnissaa pillugu Naalakkersuisut UKA2022-imi nassuaammik saqqummiusseqquulligit peqquneqarnissaannik Inatsisartut aalajangiiffisassaattut siunnersuut.

(Inatsisartuni Illassortaq Mariane Paviaisen, Inuit Ataqatigiit)

Siullermik siunnersuuteqartoq Mariane Paviaisen Inuit Ataqatigiit siunnersuuteqarninnut qujanaq, imatullu Atassummiit oqaaseqarfigissavarput.

Siunnersuutigineqartoq ilisarnarluartoq, inatsisartuni qinigaaffiit qassissarilernerpaat Atassummiit inatsisartuni aalajangiiffisassatut qaqittarsimasarput, ajoraluartumilli mannalu tikiillugu aporfissaqartitsisoqartaruttorpat suli iluatsissimangnisarput. Taamaattumik Atassummiit siunnersuuteqartoq tunngaviatigut tapersereerlugu oqaatigissavarput.

Nunatsinni qammasissiaq atorlugu Narsami Narsarsuarmilu sanaartoqqartaat Atassummiit ilisimaarilluarpagut. Suliffeqarfik Narsameersunik pigineqartoq Sikublok Atassummiit isumarput malillugu pitsaalluinnartumik takutitsiinnaratik ukiorpassuarnilu atasinnaasunik iluarsaqattaagassaannngitsumik sanaartorsimasut ingerlariaqqinnissaannut aporfissalersorneqarsimapput.

Sikublok-imi taamanikkut piginnittut sanaartoqqissinnaanerannut ilulioriaatsimut akuerineqarsimagaluarputa, kujataaniinnaanngitsoq Nunatta ilarujussuani qularutissaanngitsumik, namminerisamik illutaarusuttut pisortalluunniit toqqarsinnaasaannut ilaasimassagaluarpoq.

Suna aporfilersuutaasimanersoq nammineq paasiniarsimavara, assersuutigineqarnikuovoq Qallunaat Nunaanniit aammalu Sikublok-imi qammasissiaasut, qattap iluanut imermik imalimmut ikineqarput, qaqpaaqaramillu Qallunaat Nunaanneersoq paneqqaarpoq. Sikublok-ip qammasissiaa masanneqalaarmat, akuerisassatut inassutigineqartarsimangnitsoq paasivara, uffa massa annikitsuararsuarmik piumasaqaatip akuerisanngortinneqarnissaanut iluarsinissamut piginnittuusimasut naleqqussaarusussimagaluartut mattunneqarsimapput.

Sikublok-imik aallartitsinikut uniinnarmata qanoq pisoqarpa? Tusrlerneqarpunga qammasissiaq taannarpiaq atorlugu kujataani sanaartortunngorsimasut nuna sanilerisatsinneersut aallutilersimagaat. Sanaartortarneq pillugu isumasioqatigiissitsinermut peqataanikuuvunga mannalu

pineqartoq pillugu qaqsigatta, ajoraluartumik sulisitsisut kattuffianniik qammasissiamik sanaartortarnissaq akerlerilluinnaraat matumuuna uppernarsaannarsinnaavara.

Ukiorpassuit qisuk atorlugu sanaartorneq iluarsartuussisarnerpassuit aningaasartuuterpassuarnik nassataqartartoq anigorniarlugit politikkikkut oqariartuuteqartaqaagut, taamaattumik immitsinnut aperisariaqalerpugut suniartugununa? Kujataaniinnaanngitsoq aammali Kangerlussuup qinnguani marraq atorlugu pitsassuarmik qammasissiamik sanaartortoqarsinnaanera kammalaatitsinniik DTU takussutissalimmillu periarfissaqartoq oqaatigineqartareerpoq.

Nunani allani ukiuni 100-likkaani qammasissianik sanaartortarnerit atorluarneqartut, sooq uagut innuttagut avataaniik eqqussukkat piinnarnagit, nammineq pinngortitatsinniik sanaartornikkut atorluarneqarsinnaasullu periarfissinniartigit.

Inatsisartuni ippassaaninnguakkunni paasinlarluartumik urullatigineqarpoq, inissiarsuarni pisoqalisut ukiorpassuarnilu akilersuiuartut inigisaminnullu iluarsartuussinissamut akilersueqqittariaqanngitsut il il qanoq iliuseqarfingineqartariaqalersut. Una siunnersuuteqartup saqqummiussaa partiinit tamanit tapersorsorneqarpat, siunissamut oqilisaassinissamut aqqutissiuussissaagut.

Taamatullu oqaaseqarluta, suli Naalakkersuisut akissutaannik takusaqanngikkaluarlunga siunnersuummut tapersiivugut, soorunalumi suliap aappassaaneerneqartigani ataatsimiitaliami susassaqartumut ingerlateqqaarneqarnissaa Atassummiit inassutigaarput.

Qujanaq.